



SLUŽBENE NOVINE ZENIČKO - DOBOJSKOG KANTONA

Godina XII - Broj 8

ZENICA, Petak, 04.05.2007.

SKUPŠTINA

57.

Na osnovu člana 158. stav 2. Poslovnika Skupštine Zeničko-dobojskog kantona („Službene novine Zeničko-dobojskog kantona“, broj: 4/05), Skupština Zeničko-dobojskog kantona na 5. sjednici, održanoj 27.03.2007. godine, donosi

AUTENTIČNO TUMAČENJE odredbe člana 76. stav 1. Zakona o porezima Zeničko-dobojskog kantona („Službene novine Zeničko-dobojskog kantona“, broj: 24/99 i 4/04)

I

Ovim autentičnim tumačenjem utvrđuje se pravilan smisao odredbe člana 76. stav 1. Zakona o porezima Zeničko-dobojskog kantona (u daljem tekstu: Zakon), („Službene novine Zeničko-dobojskog kantona“, broj: 24/99 i 4/04).

II

Tekst člana 76. stav 1. Zakona glasi:

„pod ukupnim neto prihodom iz člana 74. stav 1. ovog zakona smatra se iznos svih plaća i prihoda koji podliježu plaćanju poreza, a koje je obveznik poreza na ukupan prihod naplatio u jednoj kalendarskoj godini u BiH, kao i prihod ostvaren u smislu člana 74. stav 2. ovog zakona, umanjen za poreze koji se plaćaju po ovom zakonu i druge poreze, doprinose i druga davanja koja se plaćaju na plaću“, a pravilan smisao člana 76. stav 1. je:

- „neto prihod utvrđen u citiranoj odredbi Zakona umanjit će se za sve navedene poreze i doprinose, pa i za iznos uplaćenog poreza na ukupan prihod fizičkih lica, jer porez na ukupan prihod fizičkih lica dostiže i uplaćuje se u tekućoj godini za prethodnu godinu, pa se prema tome osnovica za razrez poreza umanjuje za taj iznos u tekućoj godini, a dodatna umanjivanja porezne osnovice utvrđena u članovima 79. i 80. Zakona ne isključuju i umanjivanje porezne osnovice navedene u članu 76. stav 1. Zakona“.

III

Autentično tumačenje se primjenjuje i važi do dana primjene odredbe Zakona za koju se daje autentično tumačenje i objavit će se u „Službenim novinama Zeničko-dobojskog kantona“.

Broj:01-02-7330/07

PREDSJEDAVAJUĆI

Zenica, 28.03.2007. godine

Sejad Zaimović, s.r.

VLADA

58.

Na osnovu člana 16. stav 1. Zakona o Vladi Zeničko-dobojskog kantona („Službene novine Zeničko-dobojskog kantona“ broj 16/00, 7/05 i 4/06) i člana 132. stav 1. tačka c) Zakona o policijskim službenicima Zeničko-dobojskog kantona („Službene novine Zeničko-dobojskog kantona“ broj 8/06), Vlada Zeničko-dobojskog kantona, na 4. sjednici, održanoj 21.03.2007. godine, d o n o s i

U R E D B U O PRIVREMENOM EKSTERNOM PREMJEŠTAJU POLICIJSKIH SLUŽBENIKA ZENIČKO- DOBOJSKOG KANTONA

Član 1.

Ovom Uredbom uređuje se postupak privremenog eksternog premještaja policijskih službenika Zeničko-dobojskog kantona u drugi policijski organ, organizacionu jedinicu, organ uprave, ustanovu za policijsku obuku, drugu instituciju ili ured u Bosni i Hercegovini u skladu sa Zakonom o policijskim službenicima Zeničko-dobojskog kantona („Službene novine Zeničko-dobojskog kantona“ broj 8/06).

Član 2.

Privremeni eksterni premještaj moguć je samo uz pismenu saglasnost policijskog službenika.

Član 3.

Privremeni eksterni premještaj policijskog službenika vrši se u slučajevima:

- a) postojanja potrebe policijskog organa, drugog tijela i institucije koja traži takav premještaj za vršenje poslova koji zahtijevaju policijske ovlasti;
- b) postojanja potrebe stalnog osiguranja ličnosti ili zgrada;
- c) postojanja potrebe za davanjem procjene ili savjeta u vezi s policijskim pitanjima.

Član 4.

Privremeni eksterni premještaj ne može trajati duže od četiri godine, a može se obnoviti samo u drugom uzastopnom periodu.

Član 5.

Zahtjev za privremeni eksterni premještaj dostavlja se Ministarstvu unutrašnjih poslova Zeničko-dobojskog kantona (u daljem tekstu: Ministarstvu), od strane rukovodioca policijskog organa, organizacione jedinice, organa uprave, ustanove za policijsku obuku, druge institucije ili ureda koji imaju potrebu za angažovanjem policijskih službenika.

Član 6.

Zahtjev za privremeni eksterni premještaj mora sadržavati razloge za angažovanje policijskih službenika, broj policijskih službenika i vremenski period trajanja eksternog premještaja.

Član 7.

Uz konsultaciju sa ministrom Ministarstva, policijski komesar će izvršiti odabir policijskog službenika.

Član 8.

(1) Policijski komesar će odabrati policijskog službenika koji će biti privremeno eksterno premješten putem internog oglašavanja ili neposrednim izborom. Za odabir policijskih službenika putem internog oglašavanja shodno se primjenjuju odgovarajuće odredbe Pravilnika o internom premještaju policijskih službenika.

(2) Uz prijavu na oglas kao i u slučaju neposrednog izbora, policijski službenik prethodno daje svoju pismenu saglasnost na privremeni eksterni premještaj.

Član 9.

Policijski komesar o privremenom eksternom premještaju donosi rješenje, koje treba da sadrži:

- a) ime i prezime policijskog službenika sa ličnim po-

dacima;

b) radno mjesto, poziciju, odnosno dužnost na koju se premješta;

c) vremensko trajanje premještaja;

d) prava po osnovu rada i statusa koja proističu iz privremenog eksternog premještaja, uključujući i pravo na povratak na rad u policijski organ na odgovarajuće radno mjesto, odnosno poslove i zadatke uz saglasnost policijskog službenika.

Član 10.

Tokom trajanja privremenog eksternog premještaja, policijski službenik zadržava prava iz radnog odnosa koje je imao u policijskom organu, a istovremeno preuzima sva ostala prava i obaveze regulisane sporazumom između policijskog organa i organa ili institucije koje imaju potrebu za angažmanom policijskog službenika.

Član 11.

Ova Uredba stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 02-04-7071/07

Datum, 21.03.2007. godine
Zenica

PREMIJER
Miralem Galijašević, s.r.

59.

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona" broj 16/00, 7/05 i 4/06) i člana 132. stav 1. tačka a) Zakona o policijskim službenicima Zeničko-dobojskog kantona ("Službene novine Zeničko-dobojskog kantona" broj 8/06), Vlada Zeničko-dobojskog kantona, na 4. sjednici, održanoj 21.03.2007. godine, d o n o s i

U R E D B U O OBLIKU, SARŽAJU I IZGLEDU POLICIJSKE ISKAZNICE I ZNAČKE POLICIJSKIH SLUŽBENIKA ZENIČKO- DOBOJSKOG KANTONA

I OSNOVNE ODREDBE

Član 1.

Ovom Uredbom propisuje se oblik, sadržaj i izgled policijske iskaznice i značke za policijske službenike Zeničko-dobojskog kantona (u daljem tekstu: policijski službenici), postupak izdavanja, rok važenja i vođenje evidencija o